



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Dissertationes De Actibus Humanis**

**Karchne, Simon**

**Augustæ Vindelicorum & Græcensis, 1716**

§. II. De differentia meriti à satisfactione, impetratōne, & dispositione  
morali.

**urn:nbn:de:hbz:466:1-39981**

tate, & justitia providentiali, vi cuius DEUS ut providas gubernator providet creaturæ rationali de cunctis bonis illi proportionatis citra jus. Creaturae inexistentis ad ejusmodi bona, aut ex justitia distributiva præriorum secundum mensuram meritorum sine obligatione servandi proportionem præmij cum merito, ab hac enim obligatione DEUS titulo supremi Dominij est exemptus per tradita in *Dissert. de jure & just. à num. 18.* contra alios.

Dico quartò: meritum supernaturale congruum est actus supernaturalis cedens in honorem DEI potens eundem

movere ad id compensandum aliquo munere excedente valorem meriti, atque adeo vis motiva hujus non potest esse exactiva retributionis, prout eam exigit meritum condignum: sic actus charitatis aut contritionis perfectæ in peccatore meretur duntaxat de congruo gratiam sanctificantem, id est, inest illi quædam congruitas, & decentia ad hoc premium, non tamen exigit gratiam: similiter iusti congruè merentur gratiam finalē, quia eam exigant. Ratio horum omnium est communis Doctorum sensus,



### §. II.

## *De Differentia meriti à Satisfactione, impetratiōne, & dispositione morali,*

650. **M**ultum in hac quæstione misceri de voce notat cum alijs Izquierdo de DEO. D. 42. à num. 69. sape à Concilijs, & Patribus impetratio sumitur pro merito congruo, ac etiam pro dispositione morali: nam contritio est dispositio moralis ad justificationem, & hujus meritoria de congruo, quæ tamen etiam est impetratoria juxta Trid. Sess. 14. cap. 4. Fuit autem, ait, tempore quavis ad impetrandam peccatorum veniam hic contritionis motus necessarius, & Aug. Epist. 105. dicit: Nec ipsa peccatorum remissio sine aliquo merito est, si fides hanc impetraret.

Meritum quæ tale respicit præmium fibi, aut alteri conferendum: è contra dispositio moralis ut talis est tantum quædam adaptatio subjecti ad gratiā velut formam, aut ad munus aliud: nihilominus dispositio supernaturalis positiva exigiva formæ nunquam est separabilis à merito congruo, quo sensu est vera opinio Soarez docentis; moralē dispositionē non distingui à congruo merito; si enim actus supernaturalis titulo adaptationis subjecti exigit formam sanctificantem, potiore jure exigit illam titulo honestatis, à quo procedit ea subjecti aptitudo exigentia: non est juridico (id est tanta, cui DEUS ex stricta iustitia deberet satis-

face-

facere, si capax esset tanta obligationis) qualis inest soli merito condigno, sed longæ inferior, cui DEUS non satisfaciendo nullam faceret injuriam etiam dato, quod capax esset strictæ iustitiae. Et ideo potius merito de congruo, quam condigno tribuitur nomen imprecationis: sicut enim rei petitæ imprecatio tota potius innititur libertati exaudientis petitionem, ita meritum congruum potius ex libertate præmiantis, quam ob intrinsecam honestatem consequitur præmium.

652. Etsi quodvis opus supernaturale honestum prout alliciens voluntatem divinam sit imprecatorum, stricta tamen imprecatio convenit soli orationi, seu petitioni, ac obsecrationi. Ita S. Th. 1. 2. quest. 114. art. 9. ad 1. expressè distinguit meritum ab imprecatione: inest enim petitioni specialis efficacia diversa à ratione obsequij ad imprecandam rem petiram, ut in humanis docet experientia, ubi dantur petita nullâ habità ratione obsequij. Unde Luc. 11. propter petentis importunitatem proximus surrexit, deditque panes petitos, ubi preces non erant obsequiosæ.

Satisfactio distinguitur in eo à merito, quod illa strictè sumpta, dum est à qualis injuryæ illatæ offenso, sit obsequium independenter ab acceptatione offenditæ æque placens offenso, ac huic displicuit injurya personalis, hanc in genere causæ formalis extinguat: è contra

meritum non formaliter, sed in genere causæ efficientis moralis causet præmium, idque non sine divina acceptatione.

Dixi strictè sumpta, nam satisfactio in lato sensu accepta pro poena est ipsa satispassio, id est, tolerantia poenabilitatis inflictæ à judice in poenam delicti, hæc extinguit dignitatem poenæ, uti quævis solutio debitum. Demum strictissimè est voluntaria castigatio, & vindicta culpæ, quam habet opus poenale, à Reo in se ipso gerente personam judicis, & Rei assumptum rationabiliter movens Judicem, ut sit contentus ista punitione. Hinc Trid. Sejj. 14. c. 8. monet Confessarios, ut Satisfactio pœnitenti impoñenda non sit tantum ad nova vitæ cœlestiam, sed etiam ad præteriorum peccatorum vindictam, & castigationem.

Quodvis opus honestum prout Deo obsequiosum est meritorum, prout fluctens, seu alliciens ejus voluntatem est imprecatorum, prout onerosum operanti est satisfactorum, quæ tria cadunt etiam in orationem. Izquierdo cit. cum communi Oviedo 1. 2. traçt. 9. Contr. 2. num. 89. addit defacto in Beatis distinguunt imprecationem à merito; nam eorum orationes nobis imprecant, quin mereantur non defectu proportionis, sed extrinsecæ ordinationis divina statuensis præmium solis actibus viatorum.

\*\*